

集證門

大娘

夏痛

心下痛

水金

疾下疾下虛上

過在足少陰

實上虛下

故腎厥則頭痛上虛者耳虛則頭暈則暈向來者

如以物蒙其首指輪不定目眩之謂暈暈之狀故肝

厥則痛不同也

轉其秋

金



頭目眩暈

大婦人頭眩由氣虛風入於腦循脈引於目系目系急而然也邪甚則必癩素問云頭痛癩疾下虛上實過在足少陰巨陽甚則入腎狗蒙招搖目瞑耳聾下實上虛過在足少陽厥陰甚則在肝下虛者腎虛也故腎厥則頭痛上虛者肝虛也故肝虛則暈狗蒙者如以物蒙其首招搖不定目眩耳聾皆暈之狀故肝厥頭痛不同也薛丹溪先生云眩者言其黑運旋轉其狀目閉眼暗身轉耳聾如立舟船之上起則欲倒蓋虛極乘寒得之亦不可一途而取軌也若風則

石經堂

有汗寒則掣痛暑則熱悶濕則重滯此四氣乘虛而

眩暈也若鬱結生痰而眩暈者此七情虛火上逆也

若淫慾過度而眩暈者此腎虛氣不歸源也若吐衄

漏崩而眩暈者此肝虛不能攝血也有早起眩暈須

臾自定者元氣虛也正元飲雜病自汗下黑錫丹雜病頭痛傷

食頭暈用腎着湯雜病傷濕加川芎有痰用青州白丸子

雜病中風頭風風熱也久則目昏偏頭風相火也久則目

緊便澀皆宜出血以開表之竊謂前證肝虛頭暈用

釣藤散腎虛頭暈六味丸雜病傷勞頭暈吐痰養正丹不

應八味丸雜病虛勞血虛四物參苓白朮不應當歸補血

湯

雜病勞倦氣虛四君歸芪不應補中益氣湯

雜病勞倦肝木

實瀉青丸

雜病頭痛

虛用地黃丸

雜病虛勞

不應川芎散脾氣

虛二陳參朮柴胡升麻不應益氣湯加茯苓半夏脾

胃有痰半夏白朮天麻湯風痰上涌四神散發熱惡

寒八物湯

雜病虛勞

七情氣逆四七湯傷濕而暈除濕湯

雜病中濕

一婦素頭暈不時而作月經遲而少此中氣

虛弱不能上升而頭暈不能下化而經少用補中益

氣湯而愈後因勞仆地月經如涌此勞傷火動用前

湯加五味子

一劑而愈前證雖云氣無所附實因脾

胃虧損耳

一婦人內熱口乾勞則頭暈吐痰帶下

詳下嘈雜門

養正丹 治虛風頭眩吐涎不已蓋此藥升降陰陽
補接真氣非止頭眩而已

黑鉛

水銀

硫黃 研

朱砂

研各壹兩

右用建瓯壹隻火上鎔鉛成汁次下水銀用柳杖
子打停取下歇少時入貳味打停候冷取下研爲
粉以糯米軟飯丸如棗豆大每服叁拾丸棗湯吞
下空心食前日貳服

釣藤散

本

治肝厥頭暈清頭目

釣藤

陳皮

去白

半夏

湯洗柒次
切片子

麥門冬

去心

茯苓

去皮

茯神

去木

人參

去蘆

甘菊花

防風

去蘆
各半兩

甘草

炙
貳錢半

石膏

壹兩

右咬咀每服四錢水壹盞半生薑七片煎至壹盞
去滓熱服日進貳服

獨活散

治婦人風眩頭疼嘔逆身體時痛情思昏

悶

獨活

壹兩

白朮

去蘆

防風

去蘆

細辛

去苗

人參

去蘆

芎藭

荆芥 各半錢半

半夏 湯洗米次切片子

炙甘草

赤芍藥 各半兩

石膏 貳兩

右咬咀每服八錢水壹中蓋半生薑七片薄荷七

葉煎至壹大盞去滓溫服不拘時

川芎散 治風眩頭暈

川芎

山藥

白茯神 去木

甘菊花 野菊不用

人參 各半兩去蘆

山茱萸肉 壹兩

右爲細末每服貳錢溫酒調下不拘時候日進叁

服

四神散 治婦人血風眩暈頭痛

菊花

當歸 去蘆

旋復花

荆芥穗

各等分

右爲細末每服貳錢水壹盞葱白叁寸茶末壹錢煎至七分通口服良久去枕仰臥少時

斗門方 治血風頭旋或不知人事用喝起草嫩心陰乾爲末酒服貳錢其功甚効卽前蒼耳散

治頭旋如天動地轉名曰心眩膽礬壹兩細研用麩餅劑壹箇拌勻勒如骰子大瓦上焙乾每服壹骰爲末燈心竹茹煎湯調下此去痰之法當審而用之

Vertical column of text on the right side of the page, containing several lines of characters.

Vertical column of text in the middle-right section of the page.

Vertical column of text in the middle-left section of the page.

Vertical column of text on the left side of the page.

Vertical column of text on the far left side of the page.

頭痛

薛東垣云足太陽頭痛脈浮緊惡風寒川芎羌活獨活麻黃爲主足少陽經頭痛脈弦細往來寒熱柴胡爲主足陽明頭痛身熱目疼鼻乾惡寒發熱脈浮緩而長升麻湯升麻葛根或石膏白芷爲主手太陽頭痛有痰體重或腹痛爲痰癖脈沉緩蒼朮半夏南星爲主足少陰經頭痛足寒氣逆爲寒厥脈沉細麻黃附子細辛湯傷寒太陽爲主足厥陰頭項痛或吐涎沫厥冷脈浮緩吳茱萸湯傷寒吐主之諸血虛頭痛當歸川芎爲主諸氣虛頭痛人參黃芪爲主氣血俱虛頭痛調中

益氣湯

雜病
勞倦

少加川芎蔓荊細辛痰厥頭痛半夏白

朮天麻湯

雜病
眩暈

厥逆頭痛羌活附子湯

雜病
頭痛

如濕氣

在頭者以苦吐之不可執方而治若脈雜亂而病見

不一且補胃爲主 一婦人因勞耳鳴頭痛體倦用

補中益氣加麥門五味而痊三年後得子因飲食勞

倦前證益甚月經不調晡熱內熱自汗盜汗用六味

地黃丸補中益氣湯頓愈經云頭痛耳鳴九竅不利

腸胃之所生也故脾胃一虛耳目九竅皆爲之病

一婦人兩肩稜痛後及太陽面青善怒此肝經風熱

之證用選奇湯

雜病
頭痛

合逍遙散

調經

加山梔天麻黃芪

半夏黃芩而愈此證失治多致傷目或兩耳出膿則危矣

旋覆花湯 許叔微云婦人患頭風者十居其半每

發必掉眩如在車船上蓋因血虛肝有風邪襲之

爾予嘗處旋覆花湯此方修合服之比他藥甚効

川芎

當歸

去蘆

羌活

去蘆

旋覆花

細辛

去苗

蔓荊子

防風

去蘆

石膏

藜蘆

去蘆

荆芥穗

半夏麩

乾地黃

甘草

炙各半兩

右咬咀每服五錢水壹盞半生薑五片煎至七分去滓溫服日進貳服

七生丸 治男子婦人八般頭風及一切頭痛痰厥

氣厥飲厥傷寒傷風頭痛不可忍者並皆治之

川烏頭

草烏頭

天南星 叁味並生去皮

半夏

冷水洗去滑

川芎

白芷

石膏

並生用各等分

右為細末研韭菜自然汁丸如梧桐子大每服七

丸加至拾丸嚼生葱茶送下食後日進貳服

陳嘗治鄧安人頭痛如破諸藥無効加北細辛等分全蠶減半為丸服貳拾粒即愈

藥隱老人云若頭痛連齒時發時止連年不已此由風寒中於骨髓留而不去腦為髓海故頭痛齒亦痛謂之厥逆頭痛宜白附子散灸曲鬢穴此穴在耳上將耳掩前正尖上可灸七壯左痛灸左右痛灸右白附子散

白附子

炮壹兩

烏頭

炮去皮臍

天南星

炮

麻黃

不去根節各半兩

乾薑

炮

辰砂

研各貳錢半

全蠍

炒伍枚

麝香

另研壹字

右為細末每服壹錢溫酒調下不拘時候

治頭風痛不可忍

硝石

人中白

腦子

各等分

右研令極細每用一字搐入鼻中

川芎茶調散

治諸風上攻頭目昏重偏正頭痛

薄荷

捌兩

川芎

荆芥

各肆兩

羌活

白芷

防風

甘草

炙各貳兩

細辛

壹兩

右為末每服貳錢食後茶清調下

如聖餅子

和劑

治男婦氣厥上盛下虛痰飲風寒伏留

陽經偏正頭疼連腦巔吐逆惡心自瞑耳聾常

服清頭目消風化痰暖胃

防風

生半夏

天麻

各半兩

天南星

洗

川烏

去皮尖

乾薑

各壹兩

川芎

甘艸

炙各貳兩

為細末湯浸蒸餅和丸芡實大捻作餅子日乾每

服伍餅同荆芥穗叁伍莖細嚼茶酒湯任下無時

若頭痛筋攣骨重少氣噦噫腹滿時驚不嗜臥欬嗽

煩寃其脉舉之則弦按之石堅由腎氣不足而內著

其氣逆而上行謂之腎厥頭痛宜玉真丸與硫黃丸

玉真丸

硫黃

研叁兩

硝石

貳分研

石膏

煨研

半夏

湯洗為末各壹兩

右研令停勻生薑自然汁打糊圓如梧子大生薑

湯下參拾圓 一方無半夏有天南星

硫黃丸 治頭痛不可忍或頭風年深暴患無所不

治服此除根

硝石 壹兩

硫黃 貳兩

右研令極細滴水丸如指頭大空心蠟茶清嚼下

壹丸百一方云中暑者以冰水服之下咽即洒然

治傷冷以艾湯下

裕陵傳王荆公偏頭疼方云是禁中祕方用生蘆菔汁蜺殼仰臥注鼻中左痛注左右痛注右或兩鼻皆注亦可數十年患皆一注而愈

心痛

大夫婦人血氣心痛者由臟腑虛血氣不調風冷邪氣乘於心也其痛發有死者有不死者成證者心爲諸臟之主而主於神其正經不可傷傷之而痛者名爲真心痛朝發夕死夕發旦死心之支別絡爲風冷所乘而痛者故痛發乍輕乍甚而成證者也薛前證若寒邪所傷溫散之飲食停滯消導之肝火妄動辛平之脾氣鬱結和解之仍與後六證方藥同用一婦人久患心痛飲食少思諸藥到口卽吐予以爲脾土虛弱用白朮一味同黃土炒去土每服壹兩以

米泔煎濃徐服少許數日後自能大飲用三斤餘而安 上舍陳履學長子室素怯弱產後患疥瘡年餘不愈因執喪旬月每欲眩仆一日感氣忽患心脾高腫作疼手不可按而嘔吐不止六脉微細或見其形實誤認諸痛不可補氣乃用青皮木香五味吳茱萸等藥而愈繼復患瘧且墮胎又投理氣行血之藥病雖去元氣轉脫再投參芪補劑不應矣六脉如絲欲絕迎予至診之曰形雖實而脉虛極反用理氣之劑損其真氣故也連投參芪歸朮附子薑桂二劑間用八味丸五日寢食漸甘六脉全復此證若心脾疼痛

時卽服此等藥瘡亦不作矣

大烏藥散

治婦人血氣攻心痛發歇不定

烏藥

莪茂

桂心

當歸炒

桃仁

青皮

木香各等分

爲末每服貳錢熱酒調下

阿魏丸 治婦人血氣攻心疼痛及一切積冷氣

當歸

桂心

青皮

附子炮

阿魏

麩裏煨以麩熟爲度

白朮

川芎各壹兩

吳茱萸炮

木香

乾薑 各參分

檳榔

肉豆蔻 煨

延胡索

莪茂 各壹兩

朱砂 細研半兩

右為末先以醋壹升煎阿魏成膏和藥末搗叁百

杵丸如梧桐子大每服貳拾丸食前熱酒下

雞舌香散

治男子婦人九種心痛一切冷氣

良薑

判細麻油炒

桂心

赤芍藥

各等分

右為細末每服貳錢水壹盞入鹽木瓜叁片同煎

七分溫服鹽湯點亦可血氣疝痕痛用熟醋湯調

下忌生冷

應痛散

治心脾痛不可忍者婦人脾血氣作心脾

痛尤効前方同只無桂心用醋煎醋湯點亦可

乙丑年春初次女年十五經脉未行初一日心痛
如刺吐飲不止脉沉緩弦細以蘇合香丸神保丸
沉香丸理中丸訶子散七氣湯皆無効余思之此
證非蟲卽飲作疾非局方丸痛丸則不可遂合與
服一二丸卽愈矣

陳氏二神丸 治婦人血氣不和作痛不止及下血
無時月水不調

真蒲黃

炒

萹撥

鹽炒

右等分爲細末煉蜜丸如梧子大每服叁拾丸空

心溫酒下如不能飲米飲吞下兩服即止

陳日華抽刀散 治婦人血風血氣等疾武興戎司

機宜侯愷云見一道人用此方療病不一而足遂
以為獻真是奇妙

五靈脂

炒壹兩

莪茂

桂心

芸薹子

炒各半兩

右為末每服貳大錢酒半盞水半盞煎至八分疾

作熱服

失笑散

見產後心痛

訶子散

見霍亂

亦妙

靈苑方

治婦人卒血氣心痛只用生五靈脂為細

末每服壹錢酒壹盞煎沸熱服

局方四七湯加良薑又沉香降氣湯分心氣飲皆治

心痛良

三方並見
雜病諸氣

大和

卷二

三

石糸堂

心腹痛

天婦人血氣心腹疼痛由臟腑虛弱風邪乘於其間與真氣相擊而痛其痛隨氣上下或上衝於心或下攻於腹故云血氣攻心腹痛也薛前證若氣滯血

瘀用沒藥散勞傷元氣用補中益氣湯雜病傷勞倦肝脾

鬱結用四七湯雜病氣怒動肝火用小柴胡湯熱入血室肝

脾血虛用四物湯通治脾肺氣虛用四君子湯雜病虛勞中

氣虛弱用補中益氣湯氣血俱虛用八珍湯即雜病虛勞八

物湯一婦人每怒心腹作痛久而不愈此肝火傷脾

氣也用炒山梔一兩生薑五片煎服而痛止更以二

陳如山梔桔梗乃不再發 一婦人懷抱鬱結不時

心腹作痛諸藥不應用歸脾湯

雜病健忘

倍加炒山梔而

愈

陳湖陸小村母久患心腹疼痛每作必胸滿嘔

吐手足俱冷面赤唇麻咽乾舌燥寒熱不時月餘竟

夕不安其脉洪大衆以痰火治之屢止屢作迨乙巳

春發頻而甚仍用前藥反劇此寒涼損真之故內真

寒而外假熱也且脉息洪弦而有怪狀乃脾氣虧損

肝木乘之而然當溫補胃氣遂用補中益氣湯加半

夏茯苓吳茱萸木香一服熟寐徹曉洪脉頓斂怪脉

頓除諸證釋然

三神丸 治室女血氣腹中刺痛痛引心端經行澀

少或月水不調以致疼痛

橘皮

貳兩 焙

當歸

酒浸炒

元胡索

醋煮 各壹兩

右為細末煉蜜和丸如梧桐子大每服五十九空

心溫酒送下

沒藥散 治一切血氣臍腹撮痛及產後惡露不下

兒枕塊痛

沒藥

血竭

桂心

元胡索

當歸

蒲黃

紅花

乾漆

炒烟盡

木香

心腹痛

重七

口經堂

芍藥 各等分

右為細末每服貳錢食前溫酒調下

大延胡索散 治婦人血氣攻心腹疼痛

延胡索

當歸

川芎

桂心 各柒錢半

木香

枳殼

赤芍藥

桃仁 各半兩

熟地黃 壹兩

右咬咀每服叁錢水壹盞薑叁片煎至七分去滓

熱服

琥珀散 治婦人血氣攻心腹煩躁悶亂疼痛不止

琥珀 另研

沒藥 另研

當歸 炒

赤芍藥

牡丹皮

延胡索

蒲黃

莪茂

桂心各等分

右爲末每服壹錢溫酒調下

瑞金散 治婦人血氣撮痛月經不行預先嘔吐疼痛

元胡索

牡丹皮

紅花各壹錢

片薑黃

貳錢半

赤芍藥

莪茂

川芎

當歸

各壹錢半

官桂

半錢

作壹服水壹鍾酒壹鍾同煎至壹鍾食前服

牡丹散

治婦人久虛羸瘦血塊走注心腹疼痛不

思飲食

牡丹皮

元胡索

官桂

各壹錢

京三稜

當歸

各壹錢半

莪茂

赤芍藥

牛膝

各貳錢

右煎服法同前

八僊散

治血氣心腹疴痛立驗

當歸

厚朴

芍藥

枳殼

製

人參

各肆分

甘草

茯苓

各伍分

肉豆蔻

貳分

右為末水貳升煮取八合空心分參服

又八仙散

靈苑

治證同前

棕櫚

貳兩

當歸

壹兩並剉碎一處燒成炭細研

麝香

壹錢細研

右同研令停每服壹錢溫酒調下

元胡索湯

治婦人室女七情所感血與氣併心腹

疼痛或連腰脇甚作搐搦一切血氣經候不調並

宜服之

元胡索

蒲黃

赤芍藥

片薑黃

當歸

去蘆各壹錢半

乳香

木香

不見火

官桂

不見火

沒藥

各壹錢

甘草 半錢

右作壹服水貳鍾生薑叁片煎至壹鍾食前服

大効琥珀散

靈苑

治婦人心膈迷悶腹臍撮疼痛

氣急氣悶月信不調等疾

烏藥

莪茂

各貳兩

當歸

壹兩

右並生爲細末溫酒調二錢服服後以食壓之忌生冷油膩等物如是產後諸疾炒生薑酒調下

治血氣不調臍下痛

桑耳

菴藺子

桂心

土瓜根

川芎

各肆分

甘艸

貳分

牛膝

赤茯苓各五分

大黃

白芍藥

各陸分

乾地黄

捌分

右爲末煉蜜丸如梧桐子大醋湯吞下貳十九

蠲痛散 治婦人血氣刺痛

荔枝核

燒存性 半兩

香附子

去毛炒 壹兩

右爲細末鹽湯米飲調下貳錢不拘時候

沒藥散

治婦人血氣疼痛不可忍者

出博濟方

紅花

沒藥

研

延胡索

炒

當歸

各等分

右爲末每服貳錢童便半棧酒半棧同煎至六分

熱服用燒赤秤錘淬過調服亦可常服只用溫酒

菖蒲丸 治婦人脾血積氣及心脾疼

菖蒲

九節者陸兩

吳茱萸 炮

香附子

炒去毛各肆兩

右三味並剉細以醞醋五升煮乾為度焙乾研細末以好神麴打糊為丸如梧桐子大空心食前以淡薑湯吞下四五拾丸日參服橘皮湯下亦好

手拈散 治血氣心腹疼痛

草菓

元胡索

五靈脂

沒藥

各等分

為末每貳錢溫酒調服

木香枳朮丸 破滯氣消飲食開胃進食消化痰涎

木香

枳實

炒各壹兩

白朮

貳兩

右每服五錢薑棗水煎服

木香化滯湯 治脾胃虛弱飲食停滯腹脹作痛或

心下痞滿不思飲食若憂怒飲食而致者尤宜用

之

木香

紅花

各叁錢

橘皮

當歸尾

枳實

炒各貳錢

柴胡

肆錢

草豆蔻

甘草

炙各半兩

半夏

壹兩

右每服叁五錢薑水煎服

女
和

卷
二

百
三
五

石
經
堂

小腹痛

大婦人小腹痛者此由胞絡之間夙有風冷搏於血氣停結小腹因風虛發動與血相擊故痛也薛

前證若氣寒血結用威靈仙散氣滯血凝用當歸散

肝經血虛用四物湯通加參朮柴胡肝經濕熱用龍

膽瀉肝湯雜病淋肝脾氣虛用六君子湯雜病虛勞加柴胡

芍藥肝脾虛寒用六君子加柴胡肉桂若兼嘔吐加

木香四肢逆冷再加炮薑通府張孟威云其妹小

腹痛服附子理中湯附子服過八十餘枚此乃沉寒

痼冷之甚不多有者

大威靈散

治婦人久冷氣滯血刺小腹疼痛

威靈仙

壹兩

當歸

沒藥

木香

桂心

各半兩

右為細末無時熱酒調下壹錢服忌茶

當歸散

治婦人久積血氣疔刺小腹疼痛四肢無力不能飲食

力不能飲食

當歸

炒

赤芍藥

劉寄奴

沒藥

枳殼

延胡索

各等分

右為細末熱酒調下壹錢無時候

追氣丸

靈苑

治婦人血刺小腹疼痛不可忍

芸薹子

微炒

桂心

各壹兩

良薑

半兩

爲細末醋糊丸如梧桐子大每服五丸不拘時淡醋湯下常服補血虛破氣塊甚有效

石灰散

治婦人血氣痛不可忍者陳五婆方

右取猪貼脊血半盞於湯上煖用杖子攪停後用石灰於火上燒令黃爲末羅過灰壹錢同血攪停放溫服立愈

予嘗用紫金皮爲細末醋糊丸如櫻桃大又治婦人血氣小腹疼痛以溫酒磨下壹丸及有心腹痛者亦良

吳茱萸湯 治婦人素虛又為風冷乘氣停滯腹脇

刺痛

吳茱萸 湯洗

當歸 去蘆各 貳錢

桔梗 去蘆

細辛 去苗

防風 去蘆

乾薑 炮各 壹錢

熟地黃 貳錢 半

甘草 炙半 錢

右作壹服水貳鍾煎至壹鍾空心服

椒紅丸 治婦人血氣不調臟腑積冷臍腹疔痛肌

體日瘦

椒紅

沉香

當歸 去蘆

訶梨勒 煨去 核

蓬朮

附子 炮去 皮臍

白朮

各壹兩

肉豆蔻

良薑

丁香

各半兩

麝香

另研
貳錢半

右爲細末煉蜜和丸如梧子大每服叁拾丸空心用溫酒送下

大腹皮飲 治婦人血癖单腹痛

大腹皮

防已

木通

桑白皮

厚朴

瓜蒌

黃芪

陳皮

枳殼

麩炒

大黃

蒸各壹錢

青皮

壹錢半

五味子

半錢

右作壹服水貳鍾煎至壹鍾入酒半盞再煎一二

沸去滓食前服

項筋強痛

陳良甫云婦人項筋拘攣強痛每得此疾療之似易而實難然方冊中所載亦少縱有言之議論亦畧以予考之然既有是疾必有是方何古人言此疾證尚且略又無的然之論詳之必是挾諸疾而生所以絕無專門予因暇日撫古名方以備檢閱然自明學識淺鄙未必全備博學之士見其遺缺尚冀補而完之夫頸項之處乃屬足太陽膀胱之經又許太學云是足少陰腎之經蓋腎與膀胱爲表裏故也以感外邪論之則有太陽經先因感風又感寒濕致令外證

發熱惡寒與傷寒相似頸項強急腰身反張如中風
 狀痠癢口噤其身體兀兀古人以強直為瘧其脉沉
 遲弦細新產血虛多汗出喜中風亦有此證詳見產
 後中風茲不贅錄 又有挫枕轉項不得者與三五
 七散追風散仍與急風散搽項上 若因被風吹頭
 目昏眩太陽并腦俱痛項背筋脉拘急可與蝎附散
 都梁丸 許太學治項筋強痛不可轉側以木瓜煎

薛前證若因肝木自旺用瀉青丸頭痛精血不足六

味丸雜病風熱淫肝加味道遙散調經怒動肝火加味

小柴胡湯熱入肝經血虛加味四物湯即四物加柴

腎不能生肝六味丸膀胱氣滯羌活勝濕湯

雜病腰痛

大抵肝火旺則肝血虛而筋燥頸項強急或腰背反

張或四肢攣拳或頸項等處結核 一婦人耳內或

耳後項側作痛寒熱口苦月經不調此肝膽經火兼

傷脾胃用四君加柴胡升麻黃芪芍藥而愈後因勞

役怒氣嘔吐脇脹用六君子湯加山梔柴胡而安

一婦人因怒寒熱作渴左目緊小頭顛動掉四肢抽

搐遍身疼痛此血虛肝熱則生風也用加味道遙加

釣藤鉤數劑諸證漸愈又用八珍湯而痊

追風散 治年深日近偏正頭疼又治肝臟久虛血

氣衰弱風毒之氣上攻頭痛頭眩目暈心忪煩熱
 百節痠疼腦昏目痛鼻塞聲重項背拘急皮膚瘙
 痒面上遊風狀若蟲行及一切頭風兼療婦人血
 風攻症頭目昏痛皆治之

川烏 炮去尖皮臍

防風 去蘆

石膏 煨

川芎

甘草 炙

荆芥穗

白僵蠶 炒去絲各壹兩

天南星 炮

羌活

天麻

地龍

白附子 炮

全蝎 去尾針

白芷 各半兩

草烏頭 炮去皮臍尖

沒藥 研

乳香 研

雄黃 研各貳錢半

右爲細末每服半錢入好茶少許同調食後及臨
臥服常服清頭目利咽膈消風化痰

急風散

草烏頭

參兩一半燒存性於酒內蘸令冷餘一半生用

丹砂

另研壹兩水飛

黑豆

貳錢伍分同草烏一處爲末

麝香

另研貳錢半

右爲細末入研藥勻停酒調塗痛處

蝎附散

治一切風邪頭痛夾腦風痰涎壅盛嘔逆

惡心口吐清水暗風旋暈眼見黑花牙關緊急口
眼喎斜面目瞶動頭項拘急肩背引疼耳痒目昏
四肢麻木及沐浴出暴感風邪頭目昏痛兩太陽

疼遠年頭風服諸藥無効並皆治之

全蝎 炮

雄黃 水飛

硃砂 各壹錢半 水飛

附子 炮去 皮臍

川烏頭 炮去 皮臍

麻黃 去節

天南星 薑製

防風 去蘆

白殭蠶 炒各 叁錢

藁本 去蘆土

白芷 各半兩

右為細末每服半錢葱茶調下食後孕婦不可服

京城之醫用此藥兼嚼如聖餅子治眼羞明多

淚見物不明有効 一方用白附子蝎梢

木瓜煎

宣州木瓜

貳枚切頂作 蓋剝去瓢

沒藥

貳兩 另研

乳香

貳錢半
另研

右二味入木瓜中用蓋子合了竹簽定之飯上蒸三四次爛研成膏子每服三匙生地黃汁半盞無灰好酒二盞調和服之 有人患此病自午後發黃昏時定子曰此患必先從足起經言十二經絡之有筋惟足下少陰之筋自足至頭大抵筋者肝之合也日中至黃昏天之陽陽中之陰也又曰陽中之陰肺也自離至兌陰旺陽弱之時故靈寶祕法云離至乾腎氣絕而肝氣弱肝腎二臟受陰氣故發於是時子授此方三服而愈

餘證治論方俱詳雜病本門

兩脇脹痛

大凡婦人兩脇脹痛者由臟腑虛弱氣血不調風冷之氣客於腸胃傷於胞絡之間與血氣相搏壅塞不宣邪正交爭衝擊故令兩脇脹痛也薛東垣先生云胸脇作痛口苦舌乾寒熱往來發嘔發吐四肢滿悶淋瀝便難腹中急痛此肝木之妄行也竊謂前證若暴怒傷血用小柴胡芎歸山梔氣虛用四物參朮柴梔若久怒傷氣用六君芎歸山梔若氣血俱虛用六味地黃丸若經行腹痛寒熱晡熱或月經不調發熱痰咳少食嗜臥體痛用八珍柴胡丹皮若脇脹發

熱口渴唾痰或小便淋瀝頸項結核或盜汗便血諸
血失音用六味丸若兩脇作脹視物不明或筋脉拘
急面色青小腹痛或小便不調用補肝散若槩用香
燥之劑反傷清和之氣則血無所生諸證作焉丹溪
先生云右脇痛用推氣散小龍薈丸當歸龍薈丸控
涎丹抑青丸十棗湯皆病氣元氣俱實之劑用者審
之 一婦人性急吐血發熱兩脇脹痛曰晡益甚此
怒氣傷肝氣血俱虛也朝用逍遙散倍加炒黑山梔
黃槩貝母桔梗麥門冬夕以歸脾湯送地黃丸而愈
一孀婦內熱晡熱肢體痠麻不時吐痰或用清氣

化啖藥喉間不利白帶腹脹用行氣散血藥胸痛不利肢體時麻此鬱怒傷肝脾而藥益甚也予則朝用歸脾湯以解脾鬱生脾氣夕用加味道遙散以清肝火生肝血百餘劑而愈後因怒飲食日少肢體時麻此乃肝火侮土用補中益氣加山梔茯苓半夏而痊又飲食失調兼有怒氣肢體麻甚月經如注脉浮洪而數此脾受肝傷不能統血而致崩肝氣虧損陰血而脉大繼用六君加芎歸炮薑而血崩止又用補中益氣加炮薑茯苓半夏而元氣復更用歸脾湯道遙散調理而康

靈寶散

治婦人血氣攻刺痛引兩脇

丁香

木香

乳香

元胡索

當歸

白芍藥

各等分

右為細末每服貳錢食前溫酒調下

草豆蔻散

治婦人脾胃虛氣攻兩脇脹痛

草豆蔻

訶子肉

各壹兩

桂心

苦梗

厚朴

各叁分

甘艸

壹分

川芎

當歸

乾薑

檳榔

各半兩

右為粗末每服肆錢水壹盞煎柒分去滓食前熱

服

菴藞子散

治婦人臟腑虛冷宿冷氣攻兩脇脹痛

坐臥不安

菴藞子

延胡索

桃仁

琥珀

當歸

桂心

各壹兩

赤芍藥

木香

沒藥

各半兩

右為末每服貳錢溫酒調下

人參紫金丸

治婦人榮衛不和心腹刺痛胸膈脹

滿不進飲食

紫金皮

蒼朮

石菖蒲

各壹兩

香附子 貳兩

人參 半兩

木香 參錢

右為末米糊丸如梧子大食後薑湯吞下參拾丸

氣針丸 治久積風壅疎利氣滯空胸膈止刺痛

木香

青皮 去白

大黃 炮

檳榔 各壹兩

黑牽牛 貳兩半生半炒

右為末煉蜜丸如梧子大溫水下參拾丸 鄧安

人年五十忽然氣痛投神保丸愈不一二日再痛

再服神保丸六七十粒大腑不通其疾轉甚亦有

要用沉香木香薑桂芍藥而未敢投痛甚則築心

築背築之兩脇似有兩柴十字插定心脇叫聲徹

天召予診之六脉沉伏乍來乍去衆問何如予曰夫九痛之脉不可準也但以證辨用藥觀其人質肥偉問其大腑數曰不通余曰實痛也其不必脹但以人按之痛甚手不可向邇此大實也經云大滿大實者可下之用氣針九伍陸百粒是晚愈又己未在金陵有家提幹巽內人病心脇脹痛衆醫投木香沉香檳榔大腹芍藥薑桂之類益甚召予診之六脉弦緊而和不似病脉但診之時兩手如火以此知其實痛也衆問如何治療僕曰大凡心腹刺痛不可便作虛冷治之有二醫荅曰非冷

即何熱即生風冷生氣是也予曰不然難經云虛則痒實則痛又仲景云腹痛者桂枝加芍藥湯痛甚者桂枝加大黃湯提幹曰荆布素弱予曰有可辨處遇痛時使一婢按之若痛止是虛寒證也按之轉甚手不可近此實痛也即令婢按之手不可近叫呼異常予曰此實熱無可疑者當用大柴胡湯治之衆不從予責狀而投之八服愈

論脇肋痛服木通散 亦可治男子

心下脇肋少腹疼痛皆素有積寒而溫暖湯散亦可主治甚者以溫藥下之心下與小腹痛諸書並有効

方而脇肋下痛鮮獲治法此

木通散 治脇肋苦痛偏効併心下脇肋并少腹牽

引痛者皆主之

木通

去皮節

青皮

去白

川棟子

去皮核各壹兩

以上三味用巴豆半兩炒黃去巴豆不用

蘿蔔子

炒

舶上藜香

壹兩炒

莪茂

木香

滑石

各半兩

右為細末煎蔥白酒調參錢壹服愈甚者不過再

服

三腕散

治中焦虛痞兩脇氣痛面目手足浮腫大

便秘澁兼治脚氣

大腹皮

紫蘇

沉香

乾木瓜

獨活

各壹兩

白朮

川芎

木香

甘草

陳皮

檳榔

各叁分

右咬咀每服叁錢水壹盞煎至柒分去滓空心熱服日中再服 戊午秋在京城有一婦人中焦虛痞腹膨脹痛大便秘結六脉虛弱諸醫服藥無効予投此藥不終劑而愈

補遺局方青木香丸沉香降氣湯小烏沉湯四磨湯

皆可用

薛左金丸

一名四金丸

治肝火胸脇脹痛或發寒熱或頭

目作痛或大便不實或小便淋秘或小腹疼痛及一切肝火之證

黃連

炒陸兩

吳茱萸

壹兩湯煮片時用

右為末粥丸白朮陳皮湯下

當歸龍薈丸

治肝經實火胸脇脹痛或大便秘結

小便澀滯凡屬肝經實火皆宜用之

當歸

龍膽州

炒焦

梔子仁

炒

黃連

炒

黃芩

炒各壹兩

大黃

炒

蘆薈

青黛 各伍錢

木香 貳錢半

麝香 另研伍分

右為末用神麩糊丸桐子大每服貳拾丸薑湯下
補肝散 治肝腎二經氣血虧損脇脹作痛或脇脹
頭暈寒熱發熱或遍身作痛經候不調

山茱萸肉

當歸

五味子 炒杵

山藥

黃芪 炒

川芎

木瓜 各半兩

熟地黃 自製

白朮 炒各壹錢

獨活

酸棗仁 炒各肆兩

右為末每服五錢棗水煎服

腰痛

藥隱老人論曰夫腎主於腰女人腎藏繫於胞絡若
腎氣虛弱外感六淫內傷七情皆致腰痛古方亦有
五種之說如風腰痛宜小續命湯加桃仁杜仲煎服
脾胃氣痞及寒濕腰痛宜五積散雜病中寒加桃仁如虛
損及五種腰痛服青娥丸雜病腰痛神應丸全上皆可用
也如氣滯腰痛服如神湯必効薛陳無擇先生云
若形體虛羸面色黧黑腿足痿軟不能行立此失志
所爲也腹急脇脹目視眈眈宗筋弛縱白淫下注此
鬱結所爲也肌肉不仁飲食不化腸胃脹滿閉墜腰

脇此憂思所為也皆屬內若腰冷作痛身重不渴小

便自利飲食如故因勞汗出腰悽脇痛或墜墮血滯

或房勞精竭皆屬不內外因也竊謂前證失志腎虛

熱者六味丸雜病虛勞腎虛寒者八味丸雜病虛勞鬱怒傷肝

實用龍膽瀉肝湯雜病虛用六味丸補肝散雜病腰痛憂

慮傷脾者歸脾湯雜病健忘逍遙散調經腎着者寒則朮附

湯雜病傷濕虛則腎着湯全上腰膝痛者寄生湯養腎散

雜病腰痛瘀血滯者如神湯舒筋散房勞腰痛者青娥丸

十補丸見前虛勞一婦人腰痛三年矣每痛必面青頭

暈目緊余以為肝脾氣虛用補肝散而愈三年後因

勞役患頭痛兼惡心用補中益氣湯

雜病傷勞倦

加茯苓

半夏蔓荊子而愈

一婦人苦腰痛數年不愈余用

白朮一味大劑服不三月而痊乃胃氣虛閉之證故

用白朮也

如神湯

治男子婦人氣虛腰痛

一方有杜仲無當歸

元胡索

當歸 去蘆

桂心 等分

右為細末每服參錢溫酒調下甚者不過數服

獨活寄生湯

夫腰痛者皆由腎氣虛弱卧冷濕地

當風所得不時速治喜流入脚膝為偏枯冷痺緩

弱疼重或腰痛拘攣脚膝重痺宜急服之

獨活 參兩

桑寄生

續斷

杜仲 炒去絲

北細辛

川牛膝

秦艽

茯苓

白芍藥

桂心

川芎

防風

人參

熟地黃

當歸 各貳兩

右咬咀每服參錢水壹錢煎至七分去滓溫服空
心氣虛下利除地黃并治新產腹痛不得轉動及
腰脚攣痛痺弱不得屈伸此藥最能除風消血肘
後有附子故無寄生人參當歸粉草近人將治歷
節風脚氣流注亦效

舒筋散 治腰痛神効閃挫亦良

元胡索 炒

杜仲 薑汁炒

官桂 去粗皮

羌活

芍藥 各等分

右爲末酒調下貳錢

又方 橘核炒香研酒去粗下青木香丸 方見

又方 天羅布瓜子仁炒焦搗酒熱服留查炒熱封
痛處効

三十一

天...

...

...

...

腰脚疼痛

夫腎主於腰脚女人腎臟繫於胞絡若勞傷腎氣虛弱而風冷客於胞絡邪氣與真氣交爭故令腰脚疼痛也治當以補元氣為主佐以祛邪之劑

薛前證

若真陽衰敗寒邪乘襲手足俱冷頭痛惡寒或嘔吐腹痛等證宜用本方若氣血虛弱寒邪所感惡寒發熱頭痛作渴或嘔吐腹痛等證宜用五積散

雜病中寒若

元氣虛弱濕熱所傷兩脛腫痛寒熱身疼或嘔吐不食等證宜用檳蘇敗毒散

雜病傷濕

若脾胃虛弱元氣下

陷寒熱嘔吐發熱頭痛喘渴體倦等證宜用補中益

氣湯

雜病傷勞倦

若足三陰精血虧損陰火內動內熱瞞

熱作渴痰甚小便頻數等證宜用六味地黃丸

雜病虛勞

若足三陰陽氣虛敗惡寒發熱手足俱冷吐痰不食

二便滑數等證宜用八味地黃丸

雜病虛勞

一婦人先

腰膀作痛後兩腿亦痛余以為足三陰虛寒外邪所

傷用小續命湯及獨活寄生湯或作或止所用飲食

極熱腹中方快余曰邪氣去而元氣虛寒也診其脉

果沉細用養腎散

本條

漸愈又用十補丸

虛勞

而痊

一婦人所患同前但發熱作渴喜冷飲食脉洪數

按之遲濇余以為血虛有熱用羚羊角散

身體痛

去檳

椰加白朮茯苓數劑更用加味逍遙散結核而瘥 一

婦人患前證時或腿膝作痛脉浮數按之遲緩此元

氣虛而風濕所乘用獨活寄生湯頓愈又用八珍湯

而安 一婦人因怒患前證寒熱往來口苦不食晡

熱內熱余以為肝火血虛先用小柴胡湯加山梔頓

愈又用加味逍遙散而瘳 一婦人患前證寒熱頭

痛殊類傷寒此寒邪之證用檳蘇敗毒散而安又用

補中益氣調補而愈

虎骨丸 治婦人血風攻注腰脚骨節疼痛不可忍

虎脛骨 酥炙 敗龜 酥炙

檳榔

牛膝 酒浸各壹兩

當歸 去蘆炒

川大黃 炒

木香

桃仁 浸炒

海桐皮 各柒錢半

防風 去蘆又

附子 炮去皮臍

赤芍藥

桂心

血竭

沒藥 另研

地龍 去土炒各半兩

右為細末煉蜜和搗三五百下丸如梧桐子大每

服叁拾丸空心食前溫酒下日貳服

仙靈脾散 治婦人血風攻注腰脚疼痛

仙靈脾

桃仁 麩炒

檳榔 各壹兩

羌活 去蘆

海桐皮

牛膝 酒浸

當歸 去蘆炒

芎藭

骨碎補

元胡索

桂心

枳殼 去瓢炒

木香

菴藷子 各柒錢半

蚬蚶 炒半兩

麝香 另研貳錢半

右為細末每服貳錢食前用豆淋酒調下日進二

服

藁本散 治婦人血風流注腰脚疼痛不可忍

藁本 去蘆土壹兩半

狗脊

天麻

骨碎補

桂心

沒藥 另研

血竭 研

蟬殼 微炒各壹兩

虎脛骨 醋炙

敗龜 醋炙

穿山甲 各貳兩 醋炙 麝香 半兩 另研

右為細末入麝香拌勻每服貳錢生薑豆淋酒調

下空心食前日二服

敗龜散 治婦人風毒流注腰脚疼痛行步艱難

敗龜 酥炙

虎脰骨 酥炙 各貳兩 白僵蠶 炒

薏苡仁

當歸 去蘆 杜仲 剉炒去絲 各壹兩

地龍 炒去土

桂心

乳香 另研 各貳錢半

沒藥 半兩 另研

右為細末每服貳錢食前溫薄荷酒調下

骨碎補散 治婦人血風氣攻腰脚疼痛腹脇拘急

並宜服之

骨碎補炒

草薺酒浸

牛膝酒浸

桃仁麪炒

海桐皮

當歸去蘆

桂心

檳榔各壹兩

赤芍藥

附子炮去皮臍

川芎各柒錢半

枳殼半兩去穰麪炒

右為咬咀每服五錢水一大盞半生薑參片棗壹枚煎至一大盞去滓溫服

附子散 治婦人腰脚積年疼痛不瘥

附子炮去皮臍

桂心

沒藥另研

威靈仙

乾漆炒去煙

牛膝酒浸各壹兩

右爲細末每服貳錢溫酒調下食前日進二服
養腎散 治腎經虛弱風寒所侵以致腰脚疼痛不
能步履

蒼朮

壹兩

乾蝎

叁錢

天麻

草烏頭

炮去皮尖

黑附子

炮去皮臍各貳錢

右爲末每服壹錢酒調服麻痺少時隨愈孕婦勿
服此治風寒傷腎膀胱虛寒之良藥用之得宜殊
有神效

臂痛

大夫婦人臂痛筋脉攣急不得屈伸遇寒則劇由肝
虛爲風寒邪氣流於血脉客於經絡搏於筋筋不榮
則乾急而痛其脉緊細宜服柏子仁丸舒筋湯若臂
痛不能舉或左或右時復轉移一臂由中腕伏痰脾
氣滯而不行上與氣相搏四肢皆屬於脾胃氣滯而
氣不下上攻於臂故痛其脉沉細宜茯苓丸控涎丹
薛前證若肝血虛用加味逍遙散中氣虛用補中
益氣湯血氣俱虛用八珍湯風熱血燥用秦艽地黃
湯脾腎虛寒用柏子仁丸脾胃實熱用茯苓丸水不

能生木用六味丸逍遙散怒動肝火用小柴胡加川
芎當歸眩暈瞞熱用四物柴梔丹皮瞞熱月經不調
用加味道遙散食少體倦無寐盜汗用加味歸脾湯
先太宜人徧身作痛筋骨尤甚不能屈伸口乾目
赤頭眩痰壅胸膈不利小便赤短夜間殊甚遍身作
痒如蟲行此屬肝腎氣虛而熱也用六味地黃丸料
加山梔柴胡而愈

柏子仁丸

指迷

柏子仁

乾地黃

各貳兩
自製

茯苓

枳殼

去穢
炒

覆盆子

炒

北五味子

炒

附子

炮

石斛

去根切
酒蒸炒

鹿茸

酥炙

酸棗仁

炒

桂心

沉香

黃芪

蜜水炙各壹兩
一方云等分

右爲細末煉蜜爲丸如梧桐子大空心酒下叁拾

丸

舒筋湯 治臂痛又名五痺湯亦治腰下疾

片子薑黃

肆兩

甘草

羌活

各壹兩

白朮

海桐皮

當歸

赤芍藥

各貳兩

右爲粗末每服叁錢水一盞半煎七分去滓溫服

如腰以下疾空心服腰以上疾食後服

茯苓丸

治臂痛不能舉手或左或右時復轉移由

伏痰在內中腕停滯脾氣不行上與氣搏四肢屬
脾脾滯而氣不升故上行攻臂其脉沉細者是也
後人謂此臂痛乃痰證也用以治痰無不効者予
嘗以此藥治人隨服隨愈世所謂痰藥多矣未有
立効如茯苓丸速也

茯苓

壹兩

半夏

貳兩

枳殼

半兩去穰
蘇炒

風化朴硝

半兩

右爲末薑汁煮糊丸如梧子大生薑湯下貳拾丸

食後服

控涎丹 凡人忽患曾背手足頸項腰胯隱痛不可忍連筋骨牽引釣痛坐卧不寧時時走易不定俗醫不曉謂之走疰便用藥及針灸皆無益又疑是風毒結聚欲爲癰疽亂以藥貼亦非也此乃痰涎伏在心膈上下變爲此疾或令人頭痛不可舉或神意昏倦多睡或飲食無味痰唾稠粘夜間喉中如鋸聲多流唾涎手脚重腿冷脾氣脉不通誤認爲癰瘰亦非也凡有此疾但以此藥不過數服卽愈

甘遂 去心

大戟 去皮

真白芥子 炒各等分

右為細末糊丸如梧桐子大臨臥淡薑湯下五七丸如疾猛再加至十九

白芥子散 治臂痛牽引背胛或輟或作由榮衛循

行失度痰滯經絡或似癰瘡

真白芥子 木鼈子 各叁兩 另研

桂心 木香 各半兩

右為末每服壹錢溫酒下 愚按前三方脾氣虛

弱者必佐以六君子湯中氣虛弱者必佐以補中

益氣湯氣血虛者必佐以八珍湯脾氣鬱滯者必

佐以歸脾湯肝經怒氣者必佐以逍遙散若專用前方治之胃氣益虛病氣益甚不可不謹

流氣飲 治七情氣滯胸脇悶痞咽喉不利嘔喘面

浮二便不調或氣攻肩背脇肋作痛或脚氣喘急腹脹便閉元氣充實者宜用此藥

紫蘇葉

黃芪炒

青皮去白

當歸

半夏薑製

烏藥

芍藥炒

茯苓

桔梗

防風各伍錢

川芎

陳皮各柒錢伍分

枳實麩炒

木香各貳錢伍分

甘草炙壹兩貳錢半

臂痛

大腹子

薑製
壹兩

右每服半兩薑棗水煎服

四物湯 治血滯中風血虛手足不遂如臂痛加紅

花煎

交加散加木瓜牛膝治冷痺肩臂作痛即人參敗毒

和五積散

烏藥順氣散加羌活木瓜治外邪氣滯筋骨作痛或

痰氣不利

方見雜
病中氣

秦艽地黃湯 治肝膽經風熱血燥肩臂疼痛或筋

脉引急或時牽痛其內證發熱或寒熱晡熱月經

不調或肢體酸痛等證

秦艽

熟地黃

自製

當歸

各壹錢

川芎

芍藥

牡丹皮

白朮

茯苓

各壹錢
伍分

鈞藤鈞

壹錢

柴胡

甘草

各
參分

右水煎服

女科

卷二

二百六

石經堂

脚氣

陳臨川云凡頭痛身熱肢節痛大便秘或嘔逆而脚
屈弱者脚氣也輕者可與香蘇散加木瓜檳榔生薑
煎服然後隨證治之要知有脚氣之人先從脚起或
先緩弱疼痺或行起忽倒或兩脛腫滿或脚膝枯細
或心中忪悸或小腹不仁皮頑不知疼痛或舉體轉
筋或見食嘔逆惡聞食氣或胃滿氣急或遍體酸痛
皆脚氣之候黃帝所謂緩風濕痺是也頑弱爲緩風
疼痛爲濕痺寒中三陽所患必冷小續命湯主之煎成

人生薑自
然汁最妙

暑中三陰所患必熱小續命湯去附子減

桂一半主之大煩躁者紫雪最良若無紫雪以百合薄荷煎冷水調服極妙大便秘者脾約丸麻仁丸三和散主之仍針灸爲佳服補藥與湯淋洗皆醫家之大禁也 夫婦人腳氣與丈夫不同男子則腎臟虛弱爲風濕所乘女子以胞絡氣虛爲風毒所搏是以胞絡屬於腎也腎主於腰腳又肝脾腎三臟經絡起於足十趾若臟腑虛損則風邪先客於腳從下而上動於氣故名腳氣也此皆由體虛或當風取涼或久坐卑濕或產後勞損或恚怒悲傷肝則心氣不足致月候不通因其虛傷風毒傳入筋骨則令皮膚不仁

筋骨疼痛肢體不隨筋脉拘攣或時冷疼或發腫滿
或兩脚痺弱或舉體轉筋目眩心煩見食嘔吐精神
昏憤肢節煩疼小便赤黃大便秘澀如此證候其婦
人脚氣療之與丈夫不同以其氣血不調胎姪產損
傷之是以療寡婦及尼與妻妾殊別卽其義也 薛
巖用和先生云前證初患不覺因他病乃發先從脚
起或緩弱痺痛不能行履或兩脛腫滿或足膝細小
或心中怔忡或小腹不仁或舉體轉筋或見食作嘔
或胸滿氣急徧體酸痛其脉浮而弦者因於風濡而
弱者因於濕洪而數者因於熱遲而濇者因於寒男

子由於腎氣虧損女子血海虛弱七情所致竊謂前

證若足三陰虛弱用還少丹

雜病虛勞

若脾氣虛寒用八

味丸

雜病虛勞

若飲食停滯臂腿痠脹浮腫作痛此脾氣

下陷用六君子

雜病虛勞

少加柴胡升麻不應須用八味

丸若發熱口渴月經不調兩腿無力此足三陰血虛

火燥用六味八味二丸兼服前證西方之人多患之

因素食乳酪脾胃壅滯脛足腫滿至於南方亦有因

膏粱厚味濕熱下注而患者故古人謂之壅疾所用

之方多踈通發散之劑然感於房勞過度虧損三陰

治法又當以固本爲主故六物附子爲元氣虛弱寒

邪內侵之聖藥

大腹皮散 治婦人風毒脚氣肢節煩疼心神昏悶

並宜服之

大腹皮

桑白皮

木通 去皮

羌活 去蘆

赤芍藥

荆芥

獨活 去蘆

青橘皮 去白

乾木瓜 各壹兩

枳殼 去瓢 炒

紫蘇葉 各貳兩

右咬咀每服八錢水壹中盞半生薑五片蔥白七

寸煎至壹大盞去滓食前溫服

紫蘇飲 治婦人風毒脚氣心腹痞塞痰飲停積不

思飲食脚重虛腫

紫蘇葉

木通

去皮

茴香

桑根白皮

各壹兩

獨活

去蘆

羌活

去蘆

乾木瓜

青橘皮

去白

甘草

炙各半兩

大腹皮

半兩

枳殼

去瓢麩炒貳兩

荊芥

半兩

右咬咀每服八錢水一大盞半生薑五片連鬚蔥

白壹莖煎至一大盞去滓溫服不拘時日進二服

四白散 治男子婦人血虛發熱夜多盜汗不進飲

食四肢羸瘦筋脉拘攣脚痛不能行立

黃芪

去蘆

厚朴

薑製

益智仁

陳皮 去白

藿香

白扁豆

白朮

去蘆各壹兩

白茯苓

去皮

白豆蔻仁

人參

去蘆

甘草

炙

天台烏藥

各半兩

芍藥

壹兩半

檀香

沉香

各貳錢半

右爲細末每服叁錢水壹盞生薑叁片棗子壹枚煎至七分和粗溫服日進二服諸證減退只有脚攣痛不能行服蒼朮丸治之

蒼朮丸

大治乾濕脚氣筋脉拘攣疼痛不能行履

兼補下部

乳香

另研

沒藥

各貳錢另研

川牛膝

酒浸

青鹽

各半兩

熟艾

肆錢米糲
過研末

全蝎

壹錢
炒研

川烏頭

叁錢炮
去皮臍

右件爲細末入研藥令勻用大木瓜壹枚切一頭
留作蓋去穰入上件藥於木瓜內將蓋簽定安於
黑豆中蒸令極爛取出去皮連藥研成膏却入生
蒼朮末不以多少拌令得所丸如梧桐子大每服
五十丸空心用木瓜湯下或溫鹽酒亦得日進三
服忌血與蒜

餘證方論並詳雜病本門

癩疹瘙痒

大夫婦人體虛爲風邪氣客於皮膚復傷風寒所以則發風瘙癩疹若赤疹者由寒濕客於肌中極熱熱結則成赤疹也得大熱則發取冷則瘥也白疹者由風氣客於肌中熱熱與風相搏則成白疹也得天陰雨寒則發出風傷亦發得晴煖則減著衣煖亦瘥脉浮而洪浮卽爲風洪則爲氣風氣相搏則生癩疹身體瘙痒凡人汗出不可當風露臥及浴後出早使人身振寒熱以生風疹也 藥隱老人云治婦人遍身時發瘙痒或赤腫癩疹五心煩熱血風攻疰與人參

荆芥散

虛勞血風

消風散

雜病頭痛

四物湯

通治

加荆芥或人參

當歸散或逍遙散兼服導赤丸如不通者食後服阜

角丸氣虛老人不可久服如服阜角丸不退者此凝

滯熱甚者宜先服青木香丸三兩服以開氣道服疾

藜散立効

薛前證有身發疙瘩或如丹毒痒痛不

常或膿水淋漓發熱煩渴或頭目昏眩日晡益甚或

寒熱發熱月經不調皆肝經風熱血燥用加味逍遙

散

調經

為主佐以四君芎歸若忿怒身發疙瘩痛痒寒

熱乃肝火血燥用加味小柴胡湯

熱入血室

氣血俱虛用

八珍加柴胡牡丹皮若夜間發熱作渴譫語乃熱入

血室用小柴胡湯加生地黃血虛四物合小柴胡後
用加味逍遙散調理若鬱結食少體倦內熱晡熱乃
脾經血燥用加味歸脾湯寒熱加山梔熟地黃若遊
走瘙癢乃血風走注用何首烏散血虛逍遙散風熱
消風散若專用風藥復傷陰血必致筋攣等證 一
婦人身發疙瘡或如丹毒痒痛不常搔碎成瘡膿水
淋漓發熱煩渴頭目眩暈日晡益甚此血虛內熱之
證也以當歸飲加柴胡山梔仁治之而愈 一婦人
患前證肢體疼痛頭目不清自汗盜汗月水不調肚
腹作痛食少倦怠先用人參荆芥散後用逍遙散治

之而痊 一婦人因忿怒身發疙瘡憎寒發熱余謂
肝火用小柴胡湯加山梔黃連治之而愈後口苦脇
痛小便淋漓復用前藥全愈 一婦人患前證發熱
夜間譫語此血分有熱以小柴胡湯加生地黃治之
而安後用四物加柴胡山梔丹皮而熱退又用逍遙
散全愈 一室女年十四歲天癸未至身發赤癩痒
痛左關脉弦數此因肝火血熱以小柴胡湯加山梔
生地黃牡丹皮治之而愈若因怒而致者又當治以
前藥

何首烏散

治婦人血風皮膚瘙痒心神煩悶及血

風遊走不定並宜服之

何首烏

防風

白蒺藜

枳殼

天麻

僵蠶

胡麻

羌蔚子

蔓荊子

各等分

右為細末每服貳錢煎茵陳湯調下無時

蒺藜散 治婦人風瘙皮膚中如蟲行及生癩疹搔

之作瘡面腫心煩並宜服之

白蒺藜

炒

莽艸

炒

麝羊角屑

各柒錢半

黃芩

人參

去蘆

苦參

去蘆

蛇床子

秦艸

去蘆

防風

去蘆

麻黃 去節

當歸 炒去蘆

甘草 炙

枳殼 麩炒去瓢

細草 去苗各半兩

右以咀每服五錢水壹中蓋半煎至壹大蓋去滓
溫服不拘時日進二服

治婦人風痒癢疹不瘥

蒼耳花葉子 各等分

右為細末每服貳錢豆淋酒調下不拘時候日進
二服

治癩疹

右用白蜜不以多少好酒調下已試有驗

治皮膚有風熱遍身生癩疹

牛蒡子

水煮壹兩淨
曬乾炒令香

浮萍

蒸過焙
乾等分

右為細末每服貳錢薄荷湯調下日二服

又治風氣客於皮膚搔之不已

蟬蛻

洗

大葉薄荷

右等分為細末每服貳錢溫酒調下無時

又方

露蜂房

洗過蜜炙令焦
蛇蛻各等分

右為細末每服壹貳錢溫酒調下不拘時

治婦人風瘙癢疹身痒不止宜用淋瀝方

女科 卷二 頁二八 石經堂

馬藟 芫薊子 白礬

白蒺藜 茵芋 羊桃根

凌霄花 各貳兩 蒴藿根 葦蔴葉 各壹兩

右咬咀以水貳斗煮取壹斗去粗於避風處洗之

又方

凌霄花 叁兩 蒴藿根 半斤

右件藥以水七升煮取叁升濾去滓入白礬末貳

兩攪勻以綿漬頻拭於疹上後煮槐柳湯浴之

又方 以醋漿水磨白礬塗之

女科證治準繩卷之二